

## BA BENAR A SO MGA SALAFI NA KENABA SIRAN WAHHABI AGO DI SIRAN KABETHOWAN SA WAHHABIYYAH?

**Phitaro i Dr. Farouk (Salafi sa Baguio City)**

Gyanan gyoto paman a “Wahhabi” na kenaba tano anan ngaran. Kenaba tano ngaran gyanan a “Wahhabi”. Aya bo a kiyabethowa iran reketano sa Wahhabi na si aki ini a **Muhammad bin Abdil Wahhab**, a aya mini-pagepeda o palokelokesan gyangkai a mga Datu sa Saudi sa kiyapakatindaga ko Shariah. So kiyapakatindaga ko opama na Aqeedah o Ahlus Sunnah wal Jama’ah na si aki anan a Abdul Wahhab At-Tameemi na aya biyatiya iyan a mala a kitab na kitab o Ib Taymiyyah ago si Ibn Al-Qayyim. Aya maana niyan na ped sekaniyan ko Ulama o Ahlus Sunnah wal Jama’ah. Na aya ngaran iyan na **Muhammad bin Abdil Wahhab At-Tameemi**. Opama ka seketano na isompat tano a ngaran tano sangkoto a Ulama na Muhammadiyyon isaon na Tameemiyyoon kenaba tano Wahhabiyyon ka kenaba niyan ngaran so Wahhab ka ngaran o ama iyan.

Gyanan a Wahhabi na aya khingaran san na so grupo i aki ini a **Abdul Wahhab ibn Rustom** a miyaona a di si **Muhammad bin Abdil Wahhab** sa labi miyakadowa gatos ragon. Na si aki ini a **Abdul Wahhab ibn Rustom** na ped sangkai a mga Khawaarij gyangkai a mga ISIS imanto melagilagid siran sa kowan ka phepaka-kafir niran so mga Muslim na phepamonoon iran so mga Muslim. Na piyamono i aki-ini a Abdul Wahhab ibn Rustom so mga Muslim sa Maghrib na miyakaratarata so ngaran iyan ko mga Muslim sa Maghrib. Na so kiyabangona i aki ini a **Muhammad ibn Abdil Wahhab** ko Aqeedah o Ahlus Sunnah na aya **inibetho reketano ko mga Ashairah**, inibetho reketano o mga Shiah **gyangkai a “Wahhabi”** para opama na masangay tano gyoto a marata a ngaran. Ogaid na seketano na kenaba tano mga “**Wahhabi**”, seketano so mga Salaf, seketano so Ahlus Sunnah wal Jama’ah.

**TA’LEEQ:**

**Katii so kapantekan o katharo iyan:**

1. So mga “**Wahhabi**” ago “**Wahhabiyyah**” na kenaba siran followers i **Muhammad bin Abdil Wahhab** ka followers siran i **Muhammad Ibn Rustom**.
2. So “**Wahhabi**” ago “**Wahhabiyyah**” na iningaran o **mga Ashairah** ko mga Salafi para masangay o Salafi so marata a ngaran.

## SEMBAG SANGKANAN A DOWA A KATHARO IYAN:

### PAGANAY RON:

Gyanan a katharo iyan a so mga **Wahhabi** odi na **Wahhabiyyah** na kenaba followers i Muhammad ibn Abdil Wahhab ka siran na followers i Muhammad ibn Rustom na mawatan ko benar sabap sa aya den a mitharo san na so Grand Mufti sa Saudi Arabia a si Shaykh Ibn Baz.

#### Phitaro i Shaykh Bin Baz (Salafi):

الوهابية هم أتباع الشيخ الإمام محمد بن عبد الوهاب بن سليمان بن علي التميمي

*“So **Wahhabiyyah** na siran so mga moonot ki As-Shaykh Al-Imaam Muhammad bin Abdil Wahhab bin Solaiman bin ‘Ali At-Tameemi”*<sup>1</sup>

### IKA-DOWA:

Di benar oba iningaran o mga **Ashairah** ko mga Salafi so “**Wahhabi**” para masangay o Salafi so marata a ngaran sabap sa langkap anan a grar ago ngaran o mga Ulama sa Najd a mga Salafi.

#### Phitaro i Shaykh Bin Baz (Salafi):

نعم هذا (اي الوهابية) لقب مشهور، هذا اللقب مشهور لعلماء التوحيد لعلماء نجد، ينسبونهم إلى الشيخ الإمام محمد بن عبد الوهاب رحمة الله عليه

*“Oway, Gyanan a (Wahhabi, Wahhabiyyah) na grar a lumalangkap. Gyanan a ngaran na lumalangkap a grar ko mga Ulama ko Tawheed, mga Ulama sa Najd. Iphetompok iran oto ki Ash-Shaykh Muhammad bin ‘Abdil Wahhab”.*<sup>2</sup>

### Katii so Audio gyanan a Fatwa i Ibn Baz (Download):

1. [https://files.zadapps.info/binbaz.org.sa/fatawa/nour\\_3la\\_aldarb/nour\\_461/46106.mp3](https://files.zadapps.info/binbaz.org.sa/fatawa/nour_3la_aldarb/nour_461/46106.mp3)
2. [https://files.zadapps.info/binbaz.org.sa/fatawa/nour\\_3la\\_aldarb/nour\\_461/46106.mp3](https://files.zadapps.info/binbaz.org.sa/fatawa/nour_3la_aldarb/nour_461/46106.mp3)

### Inengka:

Gyanan a dow a fatwa i Shaykh bin Baz na sisii pen ko website a <https://binbaz.org.sa/fatwas>